

2001-10-17
kioskoa**Eneko Bidegain****Jin berria**

Atzo heldu zen Ipar Euskal Herriko kiosko guztietara **Le journal du Pays Basque-Euskal Herriko kazeta** egunkariaren lehen zenbakia. Hur Gorostiaga zuzendariak egunkari horren kolorea iragarri zuen: «Tokiko berrietatik, nazioarteko orrietaraino, kazeta informazio ahalik eta zehatzena, kontrastatuen eta aberatsena ematen ahaleginduko da». Atzokoan, Baionako Euskal Erakustokiaren estreinaldiarekin zabaldu zuten egunkaria. Hogeita lau orrialdeetatik hiru eskaini zizkioten, lehenbizikoan estreina bera aipatuz eta bertze bietan erakustokia solairuz solairu aurkeztuz, infograma eta guzti. **Sud-Ouest**-ek artikulu arrunt bat baizik ez zuen sartu, nahiz eta kontuan hartu behar den azken hilabeteetan hori maiz aipatzeko aukera izan duten.

Titularrak bi lerrotara, azpitu-lar batekin, informatibo hutsak dira. «Akidurak hiltzen du baieztatu dute garraiolariak, nazioarteko egunean». Biriaturako bide moztearekin zabaldu zuten, hain zuzen ere, Euskal Herria saila. ELBren kanpaina, alderdi sozialistaren bilana, Donostiako Udaleko krisia eta abar jorratu zuten. Iparraldeko hiru herrialdeetako albisteak datoz jarraian. Nazioarteko berrien orrialde bat eta Frantziako berrien beste baten ondotik, kirolak barnatzen dituzte lau orrialdez.

Egunkari horretan —atzoko alean bederen— euskararen lekua oso sinbolikoa bada ere, ikuspegi nazionala nabari da Hego Euskal Herriko berrien aipatzeaz gain ere: eguraldia, agenda eta telebistako egitarauan zazpi herrialdeak kontuan hartuak dira. Irakurleei eta iritzi guztietakoei beren txokoa eskainiko die, gainera.

Egunkaria 3.374. zenbakia**Ohorezko Lehendakaria:** Martin Ugalde**Administratzaio Kontseiluko Lehendakaria:** Joan Mari Torrealdai**Kontseilari Ordezkarria:** Iñaki Uribe**Zuzendaria:** Martxelo Otamendi**Gerentea:** Mikel Sorozabal**Publizitatea:** Idoia Sanz**Egoitza Nagusia:** Gudariaren etorbidea, z/g 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707**Webgunea:** www.egunkaria.com**Posta elektronikoa:** egunkaria@egunkaria.com**Publizitatea:** publi@egunkaria.com**IKUSKATURIKO HEDAPENA**
Batxorde Parekidea: 72664 E. Lege Gordailua: SS 800/90 ISSN 1134-640X**ORDEZKARITZAK** ■ **Araba:** San Antonio, 20-1 ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965**Nafarroa:** Irabie Monasterioa, 45-13. esk. (Irritzi dorrea) 31011 Iruñea
Tel.: 948178078-79 Faxa: 948178077 Tel.: Publizitatea: 948176686**Bizkaia:** Egia Jenerala, 3-behea. 48010 Bilbo Tel.: 944104046 Faxa: 944103715
Tel.: Publizitate Orokorra: 944701199-80 Publizitate Lokala: 944701114**Lapurdia, Nafarroa Beherea, Zuberoa:** Pelletier 35, 1 503 Posta
kubxatila, 64100 Baiona Tel.: 559593575 Faxa: 559257511**martintxo****hizpideak****Giro berria, asmo zaharrak**

Nazio Batuen Erakundeak onartu berri duen ebazpenak «terrorismoaren babesleei» diru baliabideak izoztea eskatzen duenez, nazioarteko arau hori ezker abertzaleko erakunde politikoen aurka erabiltzeko asmoa agertu dute Aznarrek eta Raxoik. Batasuna, Segi eta «komunikabideren bat» «terrorismoaren babesleen» zerrendan sartuko ote dituzten galdetuta, ez dutela ezer baztertzen esan dute, Madrilen eta Bruselan egindako bi agerraldietan. Ez dute neurri zehatzik iragarri, baina Espainiako Gobernuaren borondatea ezagututa, eta aurrekarietako erreparaturak, kezkatzeko moduko hitzak dira. Berriz ere, irailaren 11ko atentatuaren ondorioz nazioartean sortu den egoera berria euskal gatazkari bere betiko errezetekin erantzuteko baliatu nahi duela erakusten ari da Espainiako Gobernuak.



Vicente Fox, Juan Carlos Borboikoa eta Jose Maria Aznar, besteak beste, Valladoliden.

Afganistanen etorkizuna Pakistanen erabakitzen

EEBBetako Estatu idazkari Colin Powell Pakistango militarburu eta presidente Pervez Musharrafekin elkartu zen atzo Islamabaden, Washingtonen eraso militarrek eskualdean eragin duen krisia aztertzeko. Bileran talibanen osteko gobernuak zein izan behar lukeen erabaki zuten. Pakistanek Iparraldeko Aliantzako kideak Kabulgo gobernuaren egotea onartu du —orain arte ez zuen nahi, oposizioa India, betiko arerioaren laguna delakoan—. Horren ordez prozesuan taliban *moderatuak* ere ez baztertzea lortu du. Denak pozik uzteko moduko konponbidea. Horrek ezer onik ekarriko duen, baina, ikusteko dago.

Hizkuntz Atlasa: Nafarroako Gobernuaren aitzakia

Pedro Pegenaute Nafarroako Gobernuko Hizkuntz Politikarako zuzendariak atzo onartu zuen Euskaltzaindiaren eta Eusko Ikaskuntzak-en (EI) diru partidak izoztuak dituela Gobernuak. Elren kasuan, Auñamendi entziklopediaren inguruan izan zen auzia piztu zenean erabaki zuen Gobernuak dirurik ez ematea, Pegenautek aitortu zuenez. Euskaltzaindiaren kasuan, berriz, Euskal Herriko Hizkuntz Atlasa da arrazoia, zuzendariaren hitzetan. Dioenez, Gobernuak Nafarroako atlasa soilik egiteko eskatu dio akademiari, eta haren erantzunaren zain dago, dirua eman edo ez erabakitzeko. Aitzakia behar zuen Gobernuak, eta ez du zailtasun handirik izan bilatzeko. Larriena da darabilten inpunitatea.

Afganistango errefuxiatuak, Pakistanen, jakiak hartu zain.

**Azpeitiko Antzerki Topaketak aldaketa garaian**

Hemeretzi urteren buruan, Azpeitiko Antzerki Topaketak, euskarazko ekoizpenak urtean zehar duen erakusleihorik bakanetakoa, berriro planteatu behar izan du bere jarduerara, eta aro berri bati ekin, beste arte diziplina batzuetara zabaltzeko (zinema, dantza, musika...). Aurten goa trantsiziozko ekitaldia izango da, eta ez da antzerki talde profesionalen emanaldirik izango, bai ordea, amateurrenak. Urteotako «inertziarekin» hautsi nahi duen formula berriak ikusleen artean duen harrera aztertu ondoren erabakiko dute Azpeitiko Udaleko arduradunek nora jo Topaketekin.